

ОТАУЛЛИХОН ТҮРЭ МАСЖИДИ

Наманган вилоят тарихи ва маданияти

давлат музейи илмий ходими

М.Холбоева

Калит сүз: меъморчилик, маданий мерос, дөгрөзлик, куфий, сулс, насҳ, настаълиқ, ганч, ёғоч ўймакорлиги

Аннотация: *Ушбу мақоладан Наманган вилоятида жойлашган меъморий обидаларнинг ажойиб намуналаридан бири «Отауллихон Түрэ масжиди» масжиди, унинг қурилиши жараёни, масжидга безак берииш ишларида фойдаланилган ўзига хос амалий санъат услублари түгрисида маълумотларга эга бўлишингиз мумкин.*

Ўзбек халқининг маданий мероси бўлмиш меъморчилик санъати минг ийллар давомида яратилган. Ўтмишда ота - боболаримиз қурган муҳташам бинолар ҳозирги кунгача мафтункор жилвасини йўқотмаган. Юксак дид билан ишланган безаклар билан ҳозиргача хайратга солиб келмоқда. Меъморчилик шундай бир санъатки, унда ижодкор халқнинг тарихи, тафаккури, орзу - умидлари, ўзига хос хусусиятлари, дунёқараши, қизиқиши, барча хислатлари намоён бўлади. Жумладан, қўхна шаҳарларимизда чиройини кўз - кўз қилиб турган маҳобатли меъморий обидалардаги оддий ғиштдан тортиб нақшлар кошинлару ўймакорлик санъатининг нодир дурдоналаригача ўтмишдаги халқимиз ҳаёти, маданиятидан дарак беради.

Наманган шаҳридаги меъморий обидаларнинг ажойиб намуналаридан бири «Сумалак гузар» маҳалла марказида, «Уйчи» кўчасида жойлашган «Атоуллихон тўра» масжидидир. (Бу масjid маҳаллий халқ иборасида Отавалихон тўра масжиди деб атаб келинади). Тарихдан маълумки, Наманган шаҳри тўрт қисмдан иборат бўлиб, Лаббайтоға, Сардоба,

Чуқуркўча, Дегрезлик дахаларига бўлинган. Мазкур дахаларнинг хар бирида жомеъ масжидлари ва мадрасалари бўлган. Жумладан, Дегрезлик дахасининг марказида, яъни хозирги Атоуллихон тўра масжиди ўрнида хам XVII асрнинг охирида бунёд этилган мадраса ва катта жомеъ масжид биноси мавжуд эди.

Манбашунос Ахмад Убайдуллох «Наманган хақиқати» рўзномаси 2007 йил 31 январь сонида «Нодир обидалардан бири» мақоласида ушбу мадраса ва масжид ёғочдан синчли қилиб қурилган бўлиб, бинонинг ички ва ташки кўринишлари хамда жомеъ масжидининг айвони нихоятда дид, амалий санъатнинг гўзал усуллари билан нақш қилиниб, зийнатланган хамда араб ёзувининг куфий, сулс, насҳ ва настаълик усулларида оятлар, хадислар хамда саловатлар ёзилган эди. Шунингдек, ганч ва ёғоч ўймакорлиги ишлари нихоятда мохирона бажарилган.

XIX асрда Халифа Абдулазиз номи билан машхур бўлган сўфий шоир Абдулазиз Хасанхўжа ўғли Мажзуб Намангоний мазкур мадраса ва жомеъ масжидини таъмирлаб, шу ерда фаолият кўрсатиб, мударрислик қиласи. Шу даврдан бошлаб бу мадраса ва жомеъ масжид Халифа Абдулазиз мадрасаси номи билан атай бошланади. Халифа Абдулазиз вафотидан сўнг орадан бир қанча йиллар ўтгач, XX асрнинг бошларига келиб, сабаби номаълум бўлган ёнгин натижасида масжид ва мадраса бинолари тамоман куйиб кетади.

Бўлиб ўтган ёнгиндан сўнг Халифа Абдулазизнинг набираси Атоуллихон (Отавалихон) тўра бошлиқ Дегрезлик дахасига қарашли махаллаларнинг оқсоқоллари ўзаро маслаҳатлашиб, куйиб кетган масжид ва мадраса биносининг ўрнига янгидан гумбазли жомеъ масжида қуришга қарор қилдилар.

Бўлғуси масжид биносининг лойихаси ишлаб чиқилади, лойихасига мувофиқ масжид катта гумбазли бўлиб, ёғоч ишлатмасидан фақат пишиқ ғиштдан қурилиши ва бинонинг олди томони икки қувватли бўлиши, ички қисми ажойиб санъатли турли ўйма нақшлар билан безатилиши керак эди. Атоуллихон тўра масжидининг мазкур лойихаси хозирда Республика

марказий Давлат архивида сақланмоқда. Бундай улкан гумбазли бинони қуриш иши осон бўлмаганлиги учун таклиф этилган усталарнинг кўпчилиги бу мураккаб ва масъулиятли вазифани қилмадилар. Нихоят ўша даврнинг машхур меъмори наманганлик Иброҳим меъморнинг ўғли Уста Мулла Қирғиз қурилиш ишларини ўз зиммасига олади. Уста Мулла Қирғиз хақиқий устазода бўлиб, меъморлик санъати соҳасида туғма истеъододга эга эди.

1915 йилнинг баҳорида қурилиш ишлари бошлаб юборилди, қурилиш жараёнида Уста Мулла Қирғиз билан ёнма - ён унинг исътедодли шогирдларидан Уста Фозил Наманганий, соқов Хожи ва бошқалар бирга ишлайдилар. Уста Мулла Қирғиз масжид қурилишида ўзининг барча тажрибасини ишга солади ва маҳоратини намоён қиласди. Чунки, бундай мураккаб қурилиш иншоотлари камдан - кам бунёд этилар эди.

Дастлаб бино пойдеворини 4 ой давомида шиббалаб қотирилган, хар бир шибба уришидан олдин пойдеворга тўлдириб сув қўйилган, то сув шимилиб сергугунча кутиб турилган ва яна шибба урилган. Бу хол пойдеворга қўйилган сув маълум муддат шимилгунча давом эттирилсин ва шундан сўнг тош териб, қамиш солиб, ғишт терилган.

Бино таркиби тўғри бурчакли ва гумбази мутаносиб бўлиб $27 \times 19,6$ метрлик режа асосида қурилган. Масжиднинг усти айланаси диаметри 13,9 метрлик қовурғали улкан гумбаз билан ёпилган. Гумбазнинг ён томонларига айлантириб бир нечта панжарасимон туйнуклар қўйилган. Масжид гумбазининг ғарбий ва шарқий қисмлари ғиштдан кўтариб ишланган. Тўртта устунлар тепасига ўрнатилган бўлса, гумбазнинг шимолий ва жанубий қисмлари саккизта ана шундай устунчалар устига ўрнатилган. Бу устунларнинг барчаси турли рангдаги сиркор қопламалар билан қопланиб, юқори қисмига қуфий хати билан Аллоҳ ва унинг сифати ёзилган. Устунлар билан девор орасидаги бўшлиқ эса масжид айвонини ташкил қиласди. Масжидга кириш эшигининг икки ёнида иккинчи қаватга чиқиш учун баландлиги 10 метрга яқин, зинапоялик бурама йўлаклар бор. Уста Қирғиз

мазкур йўлакларни қуришда ғишт теришнинг ўзига хос маҳсус усуслари ва салобатини мохирона намоён этган.

Атоуллихон тўра масжиди биносининг яна бир қимматли томони шуки, XVI асрдан то хозирги давримизгача Ўрта Осиёда бунёд этилган меъморлик обидалари орасида гумбазининг улканлиги жихатидан етакчи ўринлардан бирида турганлигидадир. Бу иншоот наманганлик меъморларнинг истеъдодидан дарак бериб турибди. Гумбазнинг устки қисмидаги марказдан бошланиб пастга тушган 30 га яқин қовурғалар, қуёш нурида товланувчи кўк рангли қўйма сопол тувакчаларга ўрнатилган. Гумбазни сержило ва жозибадор қилиш учун ғиштдан бўрттириб гуллар чиқарилган хамда унинг остидан гумбаз айланасига куфий ёзуvida бўрттириб «Калимаи тойиба» битилган. Масjid қурилиши асосан Дегрезлик даҳасида яшовчи маҳаллалар ахолисидан ва бошқа муридлардан ийғилган маблағ хисобига бунёд этилган.

Масjid очилиши пайтида аҳоли томонидан масjid ичига яхлит тушадиган хажмда гилам тўқиб келиб, тўшаганлар. Масjid ишга тушгач, кутубхона ташкил қилинган ва бу кутубхонага кўплаб нодир қўлёзма китоблар жамлаган. Атоуллихон тўра масжиди қошида Қуръон илмини ўргатувчи марказ, қориҳона ташкил қилинган ва унда XIX аср охири, XX аср бошларида яшаб ўтган Наманганлик таниқли қироат илмининг билимдонлари дарс беришган. Мазкур қориҳонада Исмоил Маҳдум Соттиев, Мухаммадхон Қори Хожа Абдуллоҳ ўғли сингари таниқли илм ахллари сабоқ олишган.

1922 йилга келиб Шўролар хукуматининг қарорига мувофиқ бутун мамлакатда халқимиз диний эътиқоди ва диний муассасаларига хамда ўша пайтларда жорий бўлиб турган араб ёзувига қарши қураш бошланди. Натижада Атоуллихон тўра масжиди хам ёпилди, қориҳона мударрисларининг айримлари ушланиб қамалди, қочиб омон қолган баъзи мударрислар хорижий мамлакатларга ўтиб кетиб қутилди. Кутубхонадаги китобларни ва бошқа ашёларни мусодара қилиб олдилар. Кейинчалик

китоблар ёқиб юборилди, ашёлар эса хукумат идораларига тақсимлаб берилди. Масжид эшигига ўйиб ёзилган оятларни болта билан чопиб, йўқотдилар. Шундай қилиб, улкан гумбазли масжид биноси ўз фаолиятини тутатди.

Бўш қолган бино бироз муддат омборхона вазифасини ўтаб келди ва 1930-1931 йилларга келиб бу бино хотин - қизлар клубига айлантирилди. Намангандавлат архивида сақланаётган тарихий хужжатларнинг гувохлик беришича, Атоуллихон тўра масжиди 1939 йилнинг май ойига қадар хотин - қизлар клуби бўлиб турган.

Мустакиллик шарофати билан меъморий ёдгорликларимизга алоҳида эътибор берилди. Жумладан, Атоуллихон тўра масжиди таъмирланиб, гўзал масканга айланди. Хозир бу ерда вилоят диний мадрасаси фаолият кўрсатмоқда. Кўплаб мусулмон давлатларидан келган меҳмонлар толиби илмларга яратилган бу ердаги шарт - шароитларни кўриб офарин айтмоқдалар.

Фойдаланилган адабиётлар

1. Ахмад Убайдуллох, «Намангандавлати хақиқати» рўзномаси 31.01. 2007 й сони.
2. Юсупов И, Мирзалиев Э. “Намангандавлати меъморий обидалари сирлари”, Намангандавлат, 2008 й
3. Рўзинов Б, Ражабова «Намангандавлати маданий меросидан лавхалар», Намангандавлат, 2006 й